

#### Autras ideas ch'ils auters

Nus duvrein iniciativa, curascha, fantasia, fiug e surtut autras ideas ch'ils auters: Nus duvrein pli bia Reto Schmidts, Heinrich Berthers, Luis Beers, Meinrad Candinas, Tarcisi Maissens e marcas internaziunalas sco la Conditoria Sedrun Switzerland, Walser Wasser, zai Ski Disentis, Gurtner Laax, Blocher Ems, Truffer Vals. Nus duvrein menaschis da famiglia e personalitads sco Martin Bienert, Gion A. Caminada, Peter Zumthor, Sabina und Marcel Heinrich.

#### Diversidad enstagl uniformaziun

Funcziunaris cun ordras da Berna nivelleschan nossa regiun enstagl da sviluppar ella. Reto Gurtner: «Regulaziun impedescha innovaziun.» Ei fust pli perdet da reactivar structuras pintgas che da satrar raps en in parc. (Nus vevan inagada luvrers che fagevan aunc in tec cun cauras ni nuorsas e gudignavan zaconts raps cun quei. Quellas structuras idealas per la muntogna ha la politica agrara ruinau.)

Il suveran da Sumvitg ha detg ils 21-10-2016 cun 73% dallas vuschs in ferm **NA** al monster-pachet da leschas Parc Adula – approbaziun dil contract da parc dil Parc Adula, approbaziun dils statuts d'adhesiun dall'uniun Parc Adula e dalla revisiun parziala dalla planisaziun locala incl. reglament d'utilisaziun dalla zona centrala – ed aschia dau in ferm signal anoviars. Tarmettei ils 27-11-2016 vinavon quei signal a Berna: Nus ellas muntognas vulein finalmein vegnir pri serius. Nus vulein ina vera promoziun economica enstagl da parcs nazionals.

Comité Parc Adula **NA – NEIN – NO.**  
[www.no-parc-adula.ch](http://www.no-parc-adula.ch)

# PARC ADULA

**NA engraziel. NEIN danke. NO grazie.**

#### Tuttas visiuns idas si en aria

Quei che nus giavischassen fust ina politica cun pli bia fantasia. Tut las visiuns dalla Regenza grischuna tenor models centralistics ein crapai giu: Resgia gronda Domat, Porta Alpina, Rumantsch grischun, Cascharia gronda Mustér.

Il Grischun ha treis parcs ed in Parc Naziunal. Ussa duess aunc in secund parc naziunal nescher, schegie che Berna ha gia viu quei 2003 endretg: «Als wir den Nationalpark vergrössern wollten, wehrten sich die Bewohner. Reinhold Messmer weiss es schon lange: «Alpen ohne Menschen sind keine Alpen.» Wir aber mussten zuerst einen Lernprozess vollziehen und erkennen: Streng geschützte Inseln, in denen alles verboten ist, umgeben von einer wuchernden Zivilisation, in der alles erlaubt ist, kann nicht eine erstrebenswerte Lösung sein. Bergbewohner wollen kein Reservat. Es würde sie und ihren Lebens- und Arbeitsraum zum Museum, zum Guckkasten für schwärmerische Städter degradieren.» (Bundesrat Moritz Leuenberger)



#### Nus lein buca dapli

reglamentem  
birocratissem  
controllem  
concepterwerk  
inefficienza  
expertesser  
uniformem

Vegn il secund parc naziunal realisau ha il Grischun tschun parcs. 30% dil cantun vegn lu ad esser parc, la mesadad da quei fust parc naziunal cun scamonds totals. Per cumparegliar: Il Valleis ha dus parcs dalla natira, 8,7% dil territori cantunal.

[www.no-parc-adula.ch](http://www.no-parc-adula.ch)

# DACO CH'EI DROVA BUCA IN NIEV PARC NAZIUNAL EL GRISCHUN

## Perquei

ch'il parc Adula copiescha e porta nuot niev. Aschia seposiziunescha parc Adula per exempel sin duas petgas!: «Grösster Nationalpark der Schweiz und kulturelle Vielfalt.» Diversidad culturala ei ina veglia marca dall'entira Svizra e cun la marca «Parc Naziunal» associeschan ins «Engiadina», che gioga dil reminent emprema liga. Vitier vegn, che la Svizra dumbra gleiti 20 parcs che concurrenzschan in l'auter e 289 labels – ina veritabla salata da marcas.

## Perquei

che aunc pli bia leschas ed aunc dapli administraziun bloccheschan l'economia. En Svizra vegnan fatgas mintg'onn 400 novas leschas ni ordinaziuns.

## Perquei

che nosa biala cuntrada vegn nunattractiva pil hosp. Tgi vul schon vegnir confruntaus ellas vacanzas semper cun tablas e camonds? Vitier vegn che tut vegn controllau; ils muvels, ils selvadis, furmiclas e baus, pasturs e hosps. Manegementplan, 114: «Erholungsnutzung ist geregelt und Teil des Besuchermonitorings.»

## Perquei

che ulteriurs parcs portan nuot alla hoteleria: Ell'Engiadina bassa (Parc Naziunal) ein endisch hotels venals, a S-chanf (vischnaunca dil Parc Naziunal) ein 4 hotels vegni serrai ils davos diesch onns, Savognin (Parc Ela) ha serrau ils davos onns tschun hotels ed en Val Müstair (biosfera) ha il renomau hotel Schweizerhof fatg concuors il schaner vargau.

## Perquei

che economia planificada, dirigida dad anoviar, mazza la creatividad e promova la cumadeivladad. Nus lein crear sez nies mund, senza l'intervenziun dalla burocrazia. Peter Schmid da Val lai daventar cun ina suletta construcziun las 500 paginas dil dossier Adula maculatura: «Gemeingut von Vrin und Vals ist der Anspruch, sich eine eigene Welt zu schaffen, im Sinne der Treue zum Ort.»

## Perquei

che la tschontscha da «unberührte Landschaft» ei pura fantasia. Nies ambient da viver ei ina cuntrada da cultura e cultura nua che nus vivin e luvrein.

## Perquei

ch'in parc nazional ei la megliera premissa per schar crescher en nosa cuntrada. Igl uaul grischun ha priu tier ils davos 30 onns per 30%. Mintga secunda maglia igl uaul 1,5 m<sup>2</sup> Svizra, quei ein diesch plaz da ballapei per di, la surfatscha dalla vischnaunca da Trun en in onn (50 km<sup>2</sup>) e quella dalla vischnaunca da Sumvitg en dus onns (100 km<sup>2</sup>).

## Perquei

ch'il parc nazional ha la finamira da far svanir alps e pastiras e muntaneras e da remplazzar nosa identitad cun vuler far s'identificar ils muntagnards cun in construct numnaus Adula.

# 400

novas leschas ni  
ordinaziuns vegnan fatgas  
mintg'onn en Svizra


1 Managementplan Parc Adula, Kapitel C, 13.

2 Das Monitoring (eine «nationalparkrelevante Aufgabe», MP 219) beinhaltet die langjährige Beobachtung der Veränderungen von Natur, Landschaft, Gesellschaft und Wirtschaft im Parc Adula und seinen Teilräumen. MP 208.

# 289

labels ha la Svizra  
ed onn per onn vegnan  
novs vitier

Expansiun digl uaul  
denter 1985 e 2006  
en procents  
Fontauna: LFI (WSL)



## Perquei

che quei project ei buca verdeivels: Cheu vegn adina tschintschau dil «parc» per evitar il malempeneivel «parc nazional», che associescha scamond e controlla. Aschia ei gia l'adressa [www.parcadula.ch](http://www.parcadula.ch) nunprecisa. E lu il zucher cul parc da diesch onns. Tgi marida schon per diesch onns?

Cheu vegn pretendiu sco da dir si ils misteris, ch'ei midì absolut nuot ella zona circumdonta ed ella zona centrala practisch nuot. Daco drova ei lu ina «charta» cun 440 paginas e laufmeters plans cun zonas dallas qualas ins ha aunc mai udiu? Daco pretendan las instituziuns digl ambient, che han silsunter il comando, il cuntrari e sedamondan: «Wozu braucht man eine Umgebungzone, wenn diese gar keine Wirkung erzeugen soll?» e vinavon manegia Jacqueline von Arx, Pro Natura: Medemamein ella zona circumdonta vali l'ordinaziun da parcs dil bund cun finamiras formuladas claramein. Ei seigi dad adattar il svilup dalla zona circumdonta alla zona centrala.

Project ed idea vegnan buca dalla basa, sco ei vegn pretendiu dapi 2014, mobein si dalla bassa, dalla regenza e dallas instituziuns digl ambient e lur representantas, che vivan anorgiu. Decisiuns dattan funcziunaris ensemen cul cussegliers a Cuera, Bellinzona e Berna, buca ellas vischnauncas. La ministra digl ambient ei sgulada cul helicopter a Cuera ils 29-6, senza risguardar igl ambient, ed ha «in einem konstruktiven Klima und Dialog von den Sorgen, die den Verein Parc Adula belasten, Kenntnis genommen» (Südostschweiz). E buca aschi daditg ha

ei giu num ella pressa: Parc Adula: «Treffen in Bern verlief konstruktiv. Über Details wurde Stillschweigen vereinbart.» Constructiv ella politica vul dir ch'ins seigi buca vegnius sin ina frastga verda. Perquei il quescher dalla schiglioc aschi tschintschusa politica.

Il project Adula vegn acceleraus, schegie ch'ins ha bia memia pauc uaul, numnadamein mo 10,5 km<sup>2</sup> enstagl dil 25 km<sup>2</sup> che la confederaziun perscriva. Cun expertisas vegn construì ina surfatscha d'uaul da 53,1 km<sup>2</sup> (!) Il parc nazional vegn pia a purtar a nus egl avegnir tschun ga dapli uaul. Stuesen nus buca plitost retener igl uaul?

## «Alpen ohne Menschen sind keine Alpen»

Nus muntagnards havein mirau bein da nosa natira. Sursilvans han cumbattiu in lag da fermada cun success ils onns otgonta ensemen cun la Fundaziun Greina encunter la Regenza grischuna. Ussa duess il carstgaun vegnir sclaus da quella natira, ferton ch'ils animals da rapina vegnan protegi leu totalmein?

## Nies avegnir ein nos affons

Quei che nus duvrein ein ni visiunar, ni parcs tenor il gusto da Pro Natura. Era duvrein nus buca profets dalla fin dil mund, che perdeghechan ch'in parc seigi nosa davosa schanza, gie ch'el seigi schizun nies avegnir. Lein nus schar su igl avegnir da nos affons a tecnocrats? Nus duvrein pli bia affons, buca dapli uaul, e nus duvrein buca in reservat, nua che quels affons astgan buca far termagls.